

清·鮑廷博輯

中文出版社

知不足齋叢書

十二

第十二冊

夢梁錄 ^二 （宋吳自牧）	七四二五
靜春堂詩集 ^一 （元袁易）	七五七一
紅蕙山房吟稿 ^二 （明袁廷樞）	七六〇九
梧溪集 ^七 （元王逢）	七六二九
困學齋雜錄 ^二 （元鮮于樞）	七八七九
尊德性齋集 ^三 （宋程洵）	七八九七
塵史 ^二 （宋王得臣）	七九五五
全唐詩逸 ^三 （市河世寧）	八〇〇五
中吳紀聞 ^六 （宋龔明之）	八〇三三
廣釋名 ^二 （清張金吾）	八一〇三
兩孝子尋親記 ^二 （清翁廣平）	八一四七
畫梅題記 ^二 （清朱方藹）	八一五三

夢梁錄

夢梁錄序

昔人臥一炊頃而平生事業歷皆偏及覺則依然故
吾始知其爲夢也因謂之黃梁夢矧時異事殊城池苑
囿之富風俗人物之盛焉保其常如疇昔哉緬懷往事
殆猶夢也名曰夢梁錄云脫有遺闕識者幸改正之毋
哂甲戌歲中秋日錢塘吳自牧書

夢梁錄序

夢梁錄目錄

卷一

正月

元旦大朝會

立春

元宵

車駕詣景靈宮孟饗

二月

八日祠山聖誕

夢梁錄目錄

二月望

卷二

三月 佑聖真君誕辰附

諸州府得解士人赴省闈

蔭補未仕官人赴銓

清明節

諸庫迎煮

州府節制諸軍春教

二十八日東徽聖帝誕辰

暮春

卷三

四月

皇太后聖節

宰執親王南班百官入內上壽賜宴

皇帝初九日聖節

僧寺結制

五月 重午附

士人赴殿試唱名

臺榭錄目錄

卷四

六月 崔真君誕辰附

七月 立秋附

七夕

解制日 中元附

八月

中秋

解開

觀潮

卷五

九月 重九附

明禋年預教習車象

明堂差五使執事官

駕出宿齋殿

五輅儀式

差官較祭及清道

駕詣景靈宮儀仗

駕回太廟宿奉神主出室

臺榭錄目錄

駕宿明堂齋殿行禋祀禮

明禋禮成登門放赦

郊祀年駕宿青城端誠殿行郊祀禮

卷六

十月

立冬

孟冬行朝饗禮遇明禋歲行恭謝禮

十一月冬至

十二月

除夜

卷七

杭州

大河橋道

小河橋道

西河橋道

小西河橋道

倚郭城南橋道

倚郭城北橋道

夢梁錄目錄

禁城九廂坊巷

卷八

大內

德壽宮

太廟

景靈宮

萬壽觀

御前宮觀

西太乙宮

四

佑聖觀

顯應觀

四聖延祥觀

三茅寧壽觀

開元宮

龍翔宮

宗陽宮

卷九

三省樞使諫官

夢梁錄目錄

六部

六部監門

諸寺

祕書省

國史教令附

諸監

大宗正司

省所

六院四轄

三衙

五

閣職

監賞諸局

諸倉

內司官

內諸司 奉安

卷十

諸官舍

府治

運司衙

夢梁錄目錄

六

后戚府

諸王宮

家廟

館驛

本州倉場庫務

點檢所酒庫

安撫司酒庫

廂禁軍

防隅巡警

帥司節制軍馬

卷十一

諸山巖

嶺

諸洞

溪潭澗浦

井泉

池塘

堰閘渡

夢梁錄目錄

七

卷十二

西湖

下湖

浙江

城內外河

湖船

江海船艦

河舟

卷十三

兩赤縣市鎮

都市錢會

團行

鋪席

天曉諸人出市

夜市

諸色雜買

卷十四

祠祭

夢梁錄目錄

八

山川神

忠節祠

仕賢祠

古神祠

土俗祠

東都隨朝祠

外郡行祠

卷十五

學校

貢院

僧塔寺塔

城內外諸宮觀

城內外寺院

古今忠烈孝義賢士墓

歷代古墓

卷十六

茶肆

酒肆

夢梁錄目錄

九

分茶酒店

麵食店

葷素從食店 諸色點心事件附

米鋪

肉鋪

兼鋪

卷十七

歷代人物

狀元表

武舉狀元

后妃列女

歷代方士

歷代方外僧

行孝

卷十八

民俗

戶口

物產

夢梁錄目錄

十

穀之品

絲之品

桌之品

貨之品

菜之品

果之品

竹之品

木之品

花之品

藥之品

禽之品

獸之品

蟲魚之品

免本州歲納及苗稅

免本州商稅

恩需軍民

恤貧濟老

卷十九

夢梁錄目錄

十

園圃

瓦舍

塌房

社會

閒人

僱覓人力

四司六局筵會假貨

卷二十

嫁娶

育子

妓樂

百戲伎藝

角觥

小說講經史

夢梁錄目錄

夢梁錄目錄

士

和不足齋藏書

夢梁錄卷一

錢塘 吳自牧 著

正月

正月朔日謂之元旦俗呼爲新年一歲節序此爲之首官放公私僦屋錢三日士大夫皆交相賀細民男女亦皆鮮衣往來拜節街坊以食物動使冠梳領抹綬匹花菜玩具等物沿門歌叫關撲不論貧富遊玩琳宮梵宇竟日不絕家家飲宴笑語諠譁此杭城風俗疇昔侈靡之習至今不改也

夢梁錄卷一

元旦大朝會

元旦侵晨禁中景陽鐘罷主上精虔炷天香爲蒼生祈百穀于上穹宰執百僚待班于宮門之次猶見疎星遶建章但禁門未啓而蝦蟆柳鼓並作攢點卽放魚鑰閤闔門下方啓龍闕執挺人傳呼頭帽號紛然衛士雜廷紳報到闔開百僚聯轡入宮城簇擁皆從殿廡行遇大朝會駕坐大慶殿有介冑長大武士四人立於殿陛之角謂之鎮殿將軍殿西廡皆列法駕鹵簿儀仗龍墀立青涼繖十把效太宗朝立諸國王班次如錢武肅孟蜀

夢梁錄卷一

王等也百官皆冠冕朝服諸州進奏吏各執方物之貢諸外國正副賀正使隨班入賀百僚執政俱於殿廊侍班而闔門催班吏高喚云那行吏進序班立畢內侍當殿厲聲問班齊未禁衛人員隨班素班齊千官聳列朝儀整已見龍章轉御屏日表纔瞻臨玉座連聲清蹕震班庭上御正衙有綠衣吏執儀劍突趨殿前聲許厲不可曉乃大瑞走辦耳宰執百僚聽召宣領班蹈舞皆稱壽再拜聲傳折檻邊禁衛人高聲萬呼聲甚震名爲繞殿雷樞密臣候稱壽畢登殿立折檻側百僚俱鞠躬聽制宣制曰履茲新慶與卿等同朝賀畢就殿賜燕宰執百僚外國正副使人次日就館賜宴使副及三節人俱與焉翼日至明慶靈隱等寺燒香次至玉津御園射弓朝家選能射武臣伴射就園賜宴先列招箭班士十餘人于垛子前使人多用弩子射其班士畏無腳小帽子錦襖子路開弩子舞旋搭箭過與使人彼窺得端正止令使人發牙例朝廷差來伴射武臣用弓箭中的則得捷上賜闌裝銀鞍馬匹衣帛金銀雜物有差迎還舍觀者紛然如朝使入朝辭賜宴餞行仍賜馬匹銀帛禮

物其盛三飾人依例給賜而去

立春

臨安府進春牛于禁庭立春前一日以鎮鼓鐃吹妓樂迎春牛往府衙前迎春館內至日侵晨郡守率僚佐以綵仗鞭春如方州儀太史局例于禁中殿陛下奏律管吹灰應陽春之象街市以花裝欄坐乘小春牛及春幡春勝各相獻遺于貴家宅舍示豐稔之兆宰臣以下皆賜金銀幡勝懸于幃頭上入朝稱賀

元宵

夢梁錄卷一

正月十五日元夕節乃上元天官賜福之辰昨汴京大內前縛山棚對宣德樓悉以綵繡山杏上皆畫羣仙故事左右以五色綵結文殊普賢跨獅子白象各手指內五道出水其水用韃轆絞上燈棚高尖處以木櫃盛貯逐時放下如瀑布狀又以草縛成龍用青幕遮草上客寶燈燭萬盞望之蜿蜒如雙龍飛走之狀上御宣德樓觀燈有牌曰宣和與民同樂萬姓觀瞻皆稱萬歲今杭城元宵之際州府設上元醮諸獄淨獄道場官放公私儼屋錢三日以寬民力舞隊自去歲冬至日便呈行

放過夜官府支散錢酒犒之元夕之時自十四爲始對

支所犒錢酒十五夜帥臣出街彈壓遇舞隊照例特犒

街坊買賣之人並行支錢散給此歲歲州府科額支行

庶幾體朝廷與民同樂之意姑以舞隊言之如清音過

雲掉刀跑老胡女劉衰喬三教喬迎酒喬親事焦鑼架

兒仕女杆歌諸國朝竹馬兒村田樂神鬼十齋耶各社

不下數十更有喬宅眷渾龍船踢燈鮑老馳象社官巷

口蘇家巷二十四家傀儡衣裝鮮麗細且戴花朵肩珠

翠冠兒腰肢纖曼宛若婦人府第中有家樂兒童亦各

夢梁錄卷一

四

動笙簧琴瑟清音嘹唳最可人聽攔街嬉耍竟夕不眠

更兼家家燈火處處管絃如清河坊蔣檢閱家奇茶異

湯隨索隨應點月色大泡燈光輝滿屋過者莫不駐足

而觀及新開門裡牛羊司前有內侍蔣苑使家雖曰小

小宅院然裝點亭臺懸挂玉柵異巧華燈珠簾低下笙

歌並作遊人玩賞不忍捨去諸酒庫亦點燈毬喧天鼓

吹設法大賞妓女羣坐喧嘩勾引風流子弟買笑追歡

諸營班院于法不得與夜遊各以竹竿出燈毬于半空

遠觀若飛星又有深坊小巷繡額珠簾巧製新裝競誇

華麗公子王孫五陵年少更以紗籠喝道將帶佳人美女遍地遊賞人都道玉漏頻催金雞屢唱與猶未已甚至飲酒醺醺倩人扶著隨翠遺簪難以枚舉至十六夜收燈舞隊方散

車駕詣景靈宮孟饗

十六夜收燈畢十七早五更二點禁中催班從駕官僚入殿起居訖出殿門外俱立馬于學士院恭俟駕輿而殿東折檻下快行家皆執金蓮燭炬以俟登輦駕出和寧門詣景靈宮行春孟朝饗禮前後兩行絳燭燈籠導

夢梁錄卷一

五

引駕行向有寶謨學士趙師舉詩風傳御道聲清兩道紗籠列火城雲護帝尊天未曉衆星環拱極星明駕近景靈宮前撤去黃蓋方入宮門此見君王虔孝之忱至宮幃少歇奉常更奏行禮內侍捲簾班導上御黃道步至殿前崇禋館道士二十四員在殿墀下叙立舉玉音法事上登殿行禮自西至東步而入內侍下簾先自前殿中殿次後殿虔恭行禮以遵奉先思孝之家法禮畢外廊賜從駕官食而後對宣引宰臣以下入行殿賜茶駕還內其親從官皆頂毡頭大帽紅纈錦團搭戲獅

子衫鍍金天王腰帶各執骨采文武官皆頂雙卷腳幘頭紅上大搭天鵝結帶寬衫鞞官頂雙曲腳幘頭紅纈團花衫鍍金束帶殿前班直頂兩腳屈曲幘頭著緋結帶望仙花衫跨弓劍乘馬一扎鞍轡執纓紉前導數內有東三班謂之長入祇候幘頭後各以青紅頭纓繫之以表忠節之意御龍直幘頭一腳指天一腳曲著方勝纈衫花看帶鍍金束帶執從物如校椅金花唾盂水罐次鐮乘壘龍鳳掌扇纓紉之類及執黃羅珠子感百花背座御椅子并腳踏快行家頂短小帽子露牛青頭巾

夢梁錄卷一

六

帶金巾環繡體腰紅纈衫金束帶懸花看帶手執御校椅金花瓶獸鑪香座御靴纓紉玉拄杖小黃羅靴御扇等物俱搭步行俱口鳴打打頭起之昔諸司庫藏各用金刻字紅牌前執後以黃羅罩籠扛擡前導有本庫官乘馭掌其職分如諸司庫藏等司屬並衫帽隨就幕士頂帽紅羅纈衫金帶懸黃帛御馬騏驎等院亦金字紅牌呵喝牽轡馬匹導引親事官各頂帽紅纈銀帶執紅紗貼金燭籠二百對左右導行駕將至左右首各一員閣門官屬乘馬執絲鞭天武官前導引至官寮起居

亭高聲喝曰躬身不要拜唱喏直身立奏聖躬萬福嵩
呼而行次有一員紫裳官係閣門寄班乘馬捧月樣繡
元子覆於馬上天武官一作天武中官十餘簇擁扶策而行衆
喝曰駕頭次以近侍諸司官俱乘馭前後導從三衛太
尉御帶環衛知閣內侍都知皆乘馭駕前導引更有內
等子卽御前忠佐軍頭引見司人員等各頂帽鬚髮蓬
鬆著紅纈衫兩手握拳顧望導行或有攔駕人捶之流
血駕近則列橫門數十人繫鞭視從園子三五重皆執
骨朵諸親從等都管人員並執骨朵列行導引駕前有

夢梁錄卷一

七

執金香座玉斧玉拂及水精珠杖迎駕高低弄把引行
如龍弄珠也上升平頭輦御龍直擎黃羅雙蓋後握雙
黃羅扇駕近太廟則蓋撤開前行數步上畧擡身而過
此見尊祖敬宗之意駕後園子亦數重衛從諸班直馬
隊從于駕後左有宰執侍從官僚右有親王南班俱從
行駕後有曲柄紅繡繖紅繡日扇命寄班官執馭而從
次日駕再詣行後殿禮幸太乙宮景陽宮行款謁禮其
日用教樂所樂部駕前作樂導引駕後以鈞容直乘馬
作樂而從駕出景靈宮至回龍橋教樂所人員攔駕奏

致語雜劇色打和和來及奏禮成回鑾曲快行先奏報
禁中使內侍排班迎駕起居前人有詩曰簾捲天街看
駕回錦身捷足走能齊聯聲快報還宮後扈從歸來日
未西若次日日出則後宮后妃嬪侍皆詣景靈宮以半帳
鸞儀從而行皇太后皇后乘輿比轎子稍增廣花樣皆
織龍簾輿上皆立金龍護之剪轆妃則用金鳳嬪好止
用樓檐耳次日或遇泥濘委宰執分詣行事矣

二月

二月朔謂之中和節民間尙以青囊盛百穀瓜果子種

夢梁錄卷一

八

互相遺送爲獻生子禁中宮女以百草關戲百官進農
書以示務本上丁日國學行釋奠禮祭文宣王以祭酒
司業爲獻官州縣學宮以帥宰奉行立春後五戊日爲
社州縣祭社稷朝廷亦差官祭于太社太稷壇州府自
收燈後例於點檢酒所開支關會二十萬貫委官屬差
吏俸雇喚工作修葺西湖南北二山堤上亭館園圃橋
道油飾裝畫一新栽種百花映掩湖光景色以便都人
遊玩

八日祠山聖誕

初八日錢塘門外霍山路有神曰祠山正祐聖烈昭德昌福崇仁真君慶十一日誕聖之辰祖廟在廣德軍敕賜廟額廣惠自梁至宋血食已一千三百餘年矣凡邦國有禱士民有告感通卽應其甘都城內外詣廟獻送繁盛最是府第及內官迎獻馬社儀仗整肅裝束華麗又有七寶行排列數卓珍異寶器珠玉殿亭悉皆精巧後苑諸作呈獻盤龍走鳳精細靴鞋諸色巾帽獻貢下俗各以綵旗鼓吹妓樂舞隊等社奇花異果珍禽水族精巧面作諸色鎗石車駕迎引歌叫賣聲效京師故體

夢梁錄卷一

九

風流錦體他處所無臺閣巍峩神鬼威勇並呈于露臺之上自早至暮觀者紛紛十一日廟中有衙前樂飲樂所人員部領諸色樂部詣殿作樂呈獻命大官排食果二十四盞各盞呈藝守臣委佐官代拜初八日西湖畫舫盡開蘇隄遊人來往如蟻其日龍舟六隻戲于湖中其舟俱裝十太尉七聖二郎神神鬼快行錦體浪子黃胖雜以鮮色旗繖花籃鬧竿鼓吹之類其餘皆簪大花捲腳帽子紅綠戲衫執棹行舟戲遊波中帥守出城往一清堂彈壓其龍舟俱呈參州府令立標竿于湖中挂

其錦綵銀碗官楫橈龍舟快捷者賞之官一小節級披黃衫頂青巾帶大花插孔雀尾乘小舟抵湖堂橫節杖聲諾取指揮次以舟回朝諸龍以小綵旗招之諸舟俱鳴鑼擊鼓分兩勢划棹旋轉而遠遠排列成行再以小綵旗引之龍舟並進者二又以旗招之其龍舟遠列成行而先進者得提取標賞聲喏而退餘者以錢酒支犒也湖山遊人至暮不絕大抵杭州勝景全在西湖他郡無此更兼仲春景色明媚花事方殷正是公子王孫五陵年少賞心樂事之時詎宜虛度至如貧者亦解質借兌帶妻挾子竟日嬉游不醉不歸此邦風俗從古而然至今亦不改也

夢梁錄卷一

十

二月望

仲春十五日爲花朝節浙間風俗以爲春序正中百花爭放之時最堪遊賞都人皆往錢塘門外玉壺古柳林楊府雲洞錢湖門外慶樂小湖等園嘉會門外包家山王保生張太尉等園玩賞奇花異木最是包家山桃開渾如錦障極爲可愛此日帥守縣宰率僚佐出郊召父老賜酒食勸以農桑告諭勤劬奉行虔恪天慶觀通年

設老君誕會燃萬蓋華燈供聖修齋爲民祈福士庶拈香瞻仰往來無數崇新門外長明寺及諸教院僧尼建佛涅槃勝會羅列幡幢種種香花果供養挂名賢書畫設珍異玩具莊嚴道場觀者紛集竟日不絕

夢梁錄卷一

夢梁錄卷一

十

夢梁錄卷二

三月 佑聖真君誕辰

錢塘 吳自牧 著

三月三日上巳之辰曲水流觴故事起于晉時唐朝賜宴曲江傾都禊飲踏青亦是此意右軍王羲之蘭亭序云暮春之初修禊事杜甫麗人行云三月三日天氣新長安水邊多麗人形容此景至今令人愛慕兼之此日正遇北極佑聖真君聖誕之日佑聖觀侍奉香火其觀係屬御前去處內侍提舉觀中事務當日降賜御香修崇醮錄午時朝賀排列威儀奏天樂于墀下羽流整肅謹朝謁于陛前吟咏洞章陳禮士庶燒香紛集殿庭諸宮道宇俱設醮事上祈國泰下保民安諸軍寨及殿司衙奉侍香火者皆安排社會結縛臺閣迎列于道觀睹者紛紛貴家士庶亦設醮祈恩貧者酌水獻花杭城事聖之虔他郡所無也

諸州府得解士人赴省闈

三月上旬朝廷差知貢舉監試主文考試等官并差監大中門官諸司彌封謄錄等官就觀橋貢院放諸州府

郡得解士人并三學舍生得解生員諸路運司得解士人有官人及武舉得解者盡赴院排日引試及諸州郡諸路寓試試得待補士人並排日引試國子監牒試中解者並行引試如有避親者就別院引試朝廷待士之重差官之際並令快行宣押所差官員入內到殿聽敕其知貢舉監試主文並帶羞帽穿執事服同諸考試等官迎引下貢院然後鎖院擇日放試諸州士人自二月間前後到都各尋安泊待試遂經部呈驗解牒陳乞納卷用印并收買試籃桌椅之類試日已定隔宿于貢院

夢梁錄卷二

二

前賃房待試就看坐圖其士人各引試三場正日本經次日論第三日策預試人照合試日分集于貢院竹門之外伺候開門放試士人各入院內依坐位分廊占坐訖知貢舉等官於廳前備香案穿秉而拜諸士人皆答拜方下簾幙出示題目于廳額題中有疑難處聽士人就簾外上請主文于簾中詳答之訖則各就位作文隨手上卷至晡後開門放士人出院納卷于中門外書知姓氏試卷入櫃而出其士人在貢院中自有巡廊軍卒齋硯水點心泡飯茶酒菜肉之屬貨賣亦有八廂太保

巡廊事所納卷子徑發下彌封所封卷頭不要試官知士人姓名恐其私取故也卻于每卷上打號頭三場共一號方發往騰錄所騰錄卷子依字號書寫對讀無差方納入考試官各房考校如卷子考中發過別房覆考如稱衆意方呈主文卻于騰錄所取真卷點對批取定奪魁選同候申省奏號揭榜取旨差官下院拆號放榜中省魁者殿試陸甲恩例前十名亦如之補試中榜者三太宗武三學爲生員舉人中省闈者俟候都堂點請覆試不過一論冒而已覆試畢然後到殿也此科舉

夢梁錄卷二

三

試三年一次到省士人不下萬餘人駢集都城鋪席買賣如市俗語云趕試官生活應一時之需耳

蔭補未仕官人赴筭

每歲三月上旬應文武官蔭授子弟宗子蔭補者並赴銓闈就試出官朝廷差監試主文考試等官就禮部貢院放試試中者三名取一名文臣試兩場本經及刑統義第三日願試法科者聽武臣試七書義三學生員入試中榜者陞內舍其時亦有試宏詞法科館職賢良方正三省堂後官及六部吏並試法科陞補額名並是排